

جریدہ تصوفیہ

شیمدیلک هفته ده بر نشر اولنور .

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر .

عرفی امتک مقالات متصوفانه لرینه
جریدہ صوفیه نك صحیفه لری آچیتدر .
درج ایدلیان اوراق اعاده ایدلز .

نسخه سی ۴۰ پارہ در .

ابونه سی : بر سنه لك اعتباریله ممالك
عمانیه ایچون ۴۰ آلتی آیلنی ۲۵ غروش
وممالك اجنبیه ایچون اون ایکی فراتقدر

محل اداره باب عالی جوارنده ابوالسعود
جاده سنده نجم استیبال مطبعه سی

تصوفی ، دینی ، اخلاقی ، سیاسی جریدہ اسلامیه در .

کوثر - کثرت طالین وجد واستغراقدر .
 کوثر - اصحاب و یاراندر .
 کوثر - تجلی خاص احدیتدر .
 کوثر - اهل بیت معطفادر .
 کوثر - تعری عن الذللدر .
 کوثر - دموع اسدقادر .
 کوثر - دماء اخیادر .
 کوثر - رفع ریخ مؤبددر .
 کوثر - نور هدایت وتوفیقدر .
 کوثر - علم توحید وجوددر .
 کوثر - کنوز خوارقادر .
 کوثر - ریاض عقاده کی مآء الذدر .

ابوالحسن

نعت رسول

غیر کیسولرک اولمش مطلق یارسل !
 کل جمالک سیر ایدن ، بلبل معلل یارسل !
 کورسلر مستانه چشمک ، مست اولورلر عاشقان
 چونکه چشمک قدره حقله مکمل یارسل !
 بر تو رویکدن المشدر . ضیای آفتاب
 وارمیدر رویک کی بر روی اجمل یارسل !
 انبیانک خاتمی قلدی سنی ، پروردگار
 چونکه : بو ، اول نص ایله اولدی مدلل یارسل !
 جدک ابراهیم خلیل الله سنک ای ذات پاک
 نسل عدناندن اکا اولدی مسلسل یارسل !
 اولدی مستجمع سنک ذاتک کلاته بوتون
 سن کی اول ماسواده وارمی اکمل یارسل
 مدح پاککده سنک عاجز بو « شکری » بیگان
 کاشانه سربسر اولدک مفضل یارسل

صومده شیخ زاده موسی :

قاسم شکری

کلام مولوی

ملجای اهل عشاقدر کلام مولوی
 کنج حکمت ، کنز اخلاقدر کلام مولوی

آندہ مولانایہ مولی کشف اسرار ایش
 نور عشقه افق اشراقدر کلام مولوی
 اول مدار مشویدہ دور ایدر انجم کبی
 معنوی بر بیک مشاقدر کلام مولوی
 اعتلا ایلر سایه ترک ناسوت ایلوب
 عالم لاهوته مشتاقدر کلام مولوی
 تاج اقطاب دینسه شایان سکة زرتابہ
 رأس اهل دلده برطاقدر کلام مولوی
 یادکاریدر (جلال الدین رومینک) ویا
 مولوی یه لطف خلاقددر کلام مولوی
 بیکده بر وصفن عجب ممکنی تعداد هیچ « وفا »
 چونکه بی حد سری انطاقدر کلام مولوی

مدرسة الواعظین طلبہ لرندن
 محمد وفا

آهنک رقیقیزدن :

استقامتدن علامتدر کلام مولوی
 منبر ومحراب حکمتدر کلام مولوی
 مرغ الہام خدا جوینده اولمش لانه ساز
 افق و اوج شاعریتدر کلام مولوی
 ہپ نوای نای استغنا ی مولانا ایله
 دائماً بر وجد وحالتدر کلام مولوی
 باش اکر ، دیوان دورور پیشندہ ارواح ادب
 اوزکہ سرپوش ظرافتدر کلام مولوی
 برج استغنا یه دوکش ذروہ علوی
 بر زمرد تاج رفعتدر کلام مولوی
 خاک فیضندن جہان معنوی منظور اولور
 قہ حضرای جنتدر کلام مولوی
 رأس آلامندہ بدبختان انسانیتک
 شہر آجیش قلب شفقتدر کلام مولوی
 فائق عالی

تحفہ پیر حقیقتدر کلام مولوی
 وصات حقہ محبتدر کلام مولوی
 اہلنہ سیم وزر مضروبندن مقبولدر
 سکة اہلی طریقتدر کلام مولوی
 شہسبز بزم « الست » ک مستیدر عشاقیہ
 بر کذاب پاک وحدتدر کلام مولوی
 دستگیر عاشقان ، سخن هدایت رہبری
 مشعل رام ہدایتدر کلام مولوی

جان میدان ، یار میدان ، ہمد کلبانک و نای
اہل عشق و جدہ دعوتدر کلاہ مولوی
طالب جانان ایسہک امرہ مطیع اول ای « عزیز »
محبت یارہ دلائندر کلاہ مولوی

دارالعرفانندن : ع . سامی

سردہ اقرارہ علامتدر کلاہ مولوی
عاشقہ اوز کہ امانتدر کلاہ مولوی
قونمدی بر باشہ ، ملک عشقہ سلطان اولدن
زاهدا بر مرغ دولتدر کلاہ مولوی
آسمان قدسہ پرواز ایتمک ایستہ ، تا ازل
شمسہ ہمبزم وحدتدر کلاہ مولوی
قولارین آچسوندہ عارف خرقہ ودستار ایہ
کورنہ طاووس کرامتدر کلاہ مولوی
دستہ کل ، تنورہ خرقہ کرچہ اعلادر ؛ فقط
اہل ذکرہ باشقہ زینتدر کلاہ مولوی
ازمیر مولویخانہسندن درویش
اسماعیل بطونی

رہنہای بزم وحدتدر کلاہ مولوی
اختر برج سعادتدر کلاہ مولوی
راہ حق کوستیر ہذا صراط مستقیم
بر نشان استقامتدر کلاہ مولوی
رند اولان ، خوش فکر اولان آدم بیلیر کیفیت
نشہ بخشای حقیقتدر کلاہ مولوی
قورتاریر ، عونوشقاعت کوسترمنلای روم
سالکہ عالی بشارتدر کلاہ مولوی
عاصبا بیل ، حق انکار ایلہین غافلرہ
باشدہ بر برہان وحجتدر کلاہ مولوی
باصمہ خانہ بالاموط اعشار کاتبی

احمد عاصم

عاشقہ راہ سلامتدر کلاہ مولوی
وصات حقہ علامتدر کلاہ مولوی
سلک درویشانہ کیرمک ہرکسہ اولماز نصیب
بر نصیب ذی شرافتدر کلاہ مولوی
نشوہ صوت « بی » بی بخش ایدر فی عاشقہ
دعوت حقہ اجابتدر کلاہ مولوی
کیم کیرسہ یول بولور ، کمکشتہ اولماز برزمان
باعث جد ومتانتدر کلاہ مولوی
عاشقک قصدی فدادر جاتی جانانہ
امر « موتوا » یہ اطاعتدر کلاہ مولوی

سرمولانای بیلیمک ایستدرسہک خیریا
دار حقدر ، برغایتدر کلاہ مولوی

فوجہ عتیق قنار مأموری

مصطفی خیری

شمس تابان حقیقتدر کلاہ مولوی
پرتو نور ہدایتدر کلاہ مولوی
اہل دل سیران ایدر توحید ایلہ اطرافی
چون مقدس بر اشارتدر کلاہ مولوی
ذات پاک ذوالجلالی ذکر ایدر ہریر کوکل
باعث مجد و شرافتدر کلاہ مولوی
برج اجلاندہ پارلار شعلہ الف الہ
مبدأ سرپوش دولتدر کلاہ مولوی
بردر اول امثالی یوق اول تاج حشمت پرتوک
نیر افلاک حکمتدر کلاہ مولوی
مثل طوبا سایہسی ایلر جہانی نورہ غرق
بر ثریای رشادتدر کلاہ مولوی

راغب پاشا زادہ

محمد علی

برید غفران ورحتدر کلاہ مولوی
قبضہ شرع و طریقتدر کلاہ مولوی
انجم آسا عالم عرفان و فیضہ فر ویر
نور بخش بزم حکمتدر کلاہ مولوی
نالہ واحسرتادن عاشق آزاد ایدر
اہل ذوقہ عین وصاتدر کلاہ مولوی
فرق عشاقہ رشادت پرتوی نشر ایلیور
شمس تابان حقیقتدر کلاہ مولوی
قورتاریر کشتکان راہی دست عون ایلہ
مشعل نور ہدایتدر کلاہ مولوی
اعتلا ایتمکسہ مقصد نزد باریدہ اگر
موجب فیض کرامتدر کلاہ مولوی
ایلہ تقیل ای رضا داثم آئی تکریم ایلہ
بوسہکاہ اہل خدمتدر کلاہ مولوی

ابوالفکری رضا : قصہ :